

## YR ATODLENNI

### ATODLEN 2

#### Sanctsiynau sifil

### RHAN 7

#### Gweinyddu ac apelau

#### **Tynnu hysbysiad yn ôl neu ddiwygio hysbysiad**

- 24.** Caiff y rheoleiddiwr ar unrhyw adeg yn ysgrifenedig—
- tynnu cosb ariannol benodedig yn ôl;
  - tynnu cosb ariannol amrywiadwy, cosb am beidio â chydymffurfio neu hysbysiad adennill cost gorfodaeth yn ôl neu leihau'r swm a bennir yn y gosb neu'r hysbysiad.

#### **Canllawiau ar ddefnyddio sanctsiynau sifil**

- 25.**—(1) Pan fo'r Rheoliadau hyn yn rhoi pŵer i'r rheoleiddiwr i osod sanctsiwn sifil—
- rhaidd i'r rheoleiddiwr gyhoeddi canllawiau ar ei ddefnydd o'r sanctsiwn;
  - yn achos canllawiau sy'n ymwneud â chosb ariannol benodedig neu gosb ariannol amrywiadwy, rhaidd i'r canllawiau gynnwys yr wybodaeth berthnasol;
  - rhaidd i'r rheoleiddiwr ddiwygio'r canllawiau pan fo'n briodol;
  - rhaidd i'r rheoleiddiwr roi sylw i'r canllawiau neu'r canllawiau diwygiedig wrth arfer ei swyddogaethau.
- (2) Yn achos canllawiau sy'n ymwneud â chosb ariannol benodedig, yr wybodaeth berthnasol y cyfeirir ati yn is-baragraff (1)(b) yw gwybodaeth am—
- ym mha amgylchiadau y mae'r gosb yn debygol o gael ei gosod,
  - ym mha amgylchiadau na chaniateir gosod y gosb,
  - swm y gosb,
  - sut y caniateir cael rhyddhad rhag atebolrwydd am y gosb ac effaith y rhyddhad hwnnw, ac
  - hawliau i gyflwyno sylwadau a gwrthwynebiadau a hawliau apelio.
- (3) Yn achos canllawiau sy'n ymwneud â chosb ariannol amrywiadwy, yr wybodaeth berthnasol y cyfeirir ati yn is-baragraff (1)(b) yw gwybodaeth am—
- ym mha amgylchiadau y mae'r gosb yn debygol o gael ei gosod,
  - ym mha amgylchiadau na chaniateir gosod y gosb,
  - y materion y mae'r rheoleiddiwr yn debygol o'u hystyried wrth bennu swm y gosb (gan gynnwys person yn rhoi gwybod o'i wirfodd nad yw wedi cydymffurfio), a
  - hawliau i gyflwyno sylwadau a gwrthwynebiadau a hawliau apelio.

*Statws* This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

### Canllawiau ychwanegol

26. Rhaid i'r rheoleiddiwr gyhoeddi canllawiau sy'n ymwneud â defnyddio cosbau am beidio â chydymffurfio a hysbysiadau adennill cost gorfodaeth sy'n pennu—

- (a) ym mha amgylchiadau y maent yn debygol o gael eu gosod,
- (b) ym mha amgylchiadau na chaniateir eu gosod,
- (c) materion i'w hystyried wrth bennu'r swm o dan sylw, a
- (d) hawliau apelio.

### Ymgynghori ar ganllawiau

27. Rhaid i'r rheoleiddiwr ymgynghori â'r personau hynny y mae'n ystyried eu bod yn briodol cyn cyhoeddi unrhyw ganllawiau neu unrhyw ganllawiau diwygiedig o dan y Rheoliadau hyn.

### Cyhoeddi camau gorfodi

28.—(1) Pan fo pŵer yn cael ei roi i'r rheoleiddiwr i osod sancsiwn sifil o dan y Rheoliadau hyn, rhaid i'r rheoleiddiwr o bryd i'w gilydd gyhoeddi adroddiadau sy'n pennu—

- (a) yr achosion y gosodwyd y sancsiwn sifil ynddynt,
- (b) pan fo'r sancsiwn sifil yn gosb ariannol benodedig, yr achosion y cafwyd rhyddhad rhag atebolrwydd am y gosb ynddynt yn sgil talu'r gosb yn dilyn yr hysbysiad o fwriad a heb fod camau pellach yn cael eu cymryd, ac
- (c) pan fo'r sancsiwn sifil yn gosb ariannol amrywiadwy, yr achosion y derbyniwyd ymgymeriad trydydd parti ynddynt.

(2) Yn is-baragraff (1)(a), nid yw'r cyfeiriad at achosion y gosodwyd y sancsiwn sifil ynddynt yn cynnwys achosion pan fo'r sancsiwn wedi ei osod ond wedi ei wrthdroi ar apêl.

(3) Nid yw'r paragraff hwn yn gymwys mewn achosion pan fo Gweinidogion Cymru yn ystyried y byddai cyhoeddi camau gorfodi yn amhriodol.

### Adennill taliadau

29. Caiff y rheoleiddiwr adennill unrhyw gosb ariannol benodedig, unrhyw gosb ariannol amrywiadwy neu unrhyw gosb am beidio â chydymffurfio a osodir o dan y Rheoliadau hyn ac unrhyw gosb ariannol am dalu'n hwyr, ar orchymyn llys, fel pe bai'n daladwy o dan orchymyn llys.

### Apelau

30.—(1) Mae apêl o dan y Rheoliadau hyn yn apêl i'r Tribiwnlys Haen Gyntaf ("y Tribiwnlys").

(2) Mewn unrhyw apêl pan fo cyflawni trosedd yn fater y mae'n ofynnol penderfynu arno, rhaid i'r rheoleiddiwr brofi'r drosedd honno yn ôl yr un baich profi a'r un safon profi ag mewn erlyniad troseddol.

(3) Mewn unrhyw achos arall rhaid i'r Tribiwnlys bennu'r safon profi.

(4) Mae pob hysbysiad wedi ei atal dros dro wrth aros i'r apêl gael ei phenderfynu neu ei thynnu yn ôl.

(5) Caiff y Tribiwnlys, mewn perthynas â gosod cosb neu gyflwyno hysbysiad o dan y Rheoliadau hyn—

- (a) tynnu'r gosb neu'r hysbysiad yn ôl,
- (b) cadarnhau'r gosb neu'r hysbysiad,
- (c) amrywio'r gosb neu'r hysbysiad,

**Statws** This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

- (d) cymryd unrhyw gamau y gallai'r rheoleiddiwr eu cymryd mewn perthynas â'r weithred neu'r anweithred sy'n arwain at y gosb neu'r hysbysiad, neu
- (e) anfon y penderfyniad o ran pa un ai i gadarnhau'r gosb neu'r hysbysiad ai peidio, neu unrhyw fater sy'n ymwneud â'r penderfyniad hwnnw, at y rheoleiddiwr.